

周
易
象
通

周易象通卷之二

南州朱謀埴鬱儀甫撰

三三巽上乾下

小畜亨密雲不雨自我西郊

小者陰也。畜者積也。陽道貴陰道富必有畜積乃至豐厚故曰小畜亨陰在天上雲合之象巽卦爲風風能散雲故有密雲不雨之象內互兌爲西方是閭闔之風善解積陰者也故知自我西郊

初九三三復自道何其咎

九二三三牽復吉

九三三輿說輻夫妻反目

此貞卦三爻畜而在下有畜牧之道故以駒犢取象初爻駒犢始生隨其父母往來自恣未受羈勒故曰復自道九二之動駒犢已成始受妻曳而教擾之故曰牽復九三畜始服駕乾變爲兌乾體圓而運輪輻象也兌爲毀折故知輿說其輻畜小不勝其任是以有此象耳乾爲夫巽爲妻今乾動而得兌兌爲少女則妾矣妾嬖于內妻遠于外以賤防貴以少陵長能無怨乎故知反目六四三有孚血去惕出无咎

陰雲在天蔽翳日月決而去之光耀乃復六四之動巽

陰解散故取鍼砭決病出血以爲象外互離爲大腹陰沈滯而作病也乾金乘離而兌決之故曰血去惕出

九五三三有孚攣如富以其鄰

九五之動所畜已厚其施必廣在天則雨澤被九州在人則資財濟鄰里故有攣如富以其鄰之象云攣如者言在掌握必得之義巽變艮艮爲手爲揲故也

上九三三既雨既處尚德載婦貞厲月幾望君子征凶

小畜之極巽變爲坎所畜彌豐於雲則既雨矣致積貲財亦既饒厚可以處矣畜盛必散唯有德者乃克保其所有故曰尚德載同雲蔽日有陰无陽夫死之象故曰

婦貞厲坎月也其體常缺畜之之極其光乃盈故日月
幾望乾健而往坎陷在前是以征凶

三三乾上兌下

履虎尾不噬人亨

乾爲天爲君父尊莫盛焉兌爲少女爲宮妾宦寺卑莫
甚焉以卑奉尊猶履履而奉足自然之分也但當敬慎
遜順勿敢違逆以取咎如躡虎後而行不爲所噬則亨
矣乾位西北星當奎婁白虎之尾故曰履虎尾

初九三三素履往无咎

九二三三履道坦坦幽人貞吉

六三三三耿能視跛能履履虎尾噬人凶武人爲干大君
初爻卑下庶民之象兌變爲坎坎勞卦也庶民服勤乃
其分所當然故曰素履往无咎二爲士人安乎貧賤講
學脩德遯居山林不見是而无悶故曰幽人貞吉內互
變艮外互爲巽艮山巽木故有山林之象履能辨上下
定尊卑者以之一陰柔順承乎乾也今六三兌變爲乾
愚而自用賤而自專故有眇視跛履之象犯分妄動故
有履虎遭噬之凶此武人剛愎恃戾所以見治于大君
矣乾履尊位剛中而正其失在兌故有是象

九四三三履虎尾愬愬終吉

九五三三夬履貞厲

上九三三視履考祥其旋元吉

此三爻者以乾臨兌而言。九四逼近于下。易以狎齏狎翫之積。則怠慢生焉。今乾體變巽。使令之始。必嚴立其防。則免怨望不遜之禍。故曰履虎尾。愬愬終吉。欲在上者毋褻威也。小人機巧逢迎。要求寵幸。以竊威福。恃在上者有以察之。九五變離剛而能明。故曰夬履貴斷也。然我之怠心易生。彼之便佞難變。一墮其術。悔不可追。是以雖貞猶厲。上九高而在上。動見觀瞻。故曰視履。乾變爲兌。剛中而和。說以御下。百祥集焉。是以元吉。

三三坤上乾下

泰小往大來吉亨

陰陽二氣相爲消長陽進則陰退陰長則陽消泰卦三陽處下其勢日長肅殺之陰其勢日消故曰小往大來生理既暢物性咸遂是以吉亨

初九三三拔茅

句

茹以其彙

句

征吉

彙即謂字

方泰之初草木奮生勾萌畢作乾變爲巽巽爲草木自乾而來其性剛健凡草木萌芽先屈後伸唯茅性剛猛刺土直出故曰拔茅言茅萁挺拔于土也茅萁堅銳有似彙彙之發故曰茹以其彙志決力強是以征吉

九二三三包荒用馮河不遐遺朋亡得尚于中行

乾變爲離離爲文明草木於是賁乎土矣翠秀蔚起陳
根畢覆故曰包荒內互坎爲江河離爲大腹離游坎中
匏舟之象徒涉必繫匏瓜故用馮河往无不濟處泰之
時然耳陽和被物无幽不達故不遐遺根亥旣吐枝葉
咸生物物於是乎相見矣故曰朋亡得筮者得此求无
不遂但戒過舉以快意故曰尚于中行

九三三三无平不陂无往不復艱貞无咎勿恤其孚
于食有福

泰之所以能吉亨者恃陽健于內也三與四接變剛爲

柔陽氣若爲陰所折闕而中餒者聖人扶陽抑陰故不著其象而激詞以獎進之曰无平不陂无往不復言造化廣太氣機難齊孰有平而不少陂陲者乎孰有往而不一顧復者乎今乾體剛中泰道已判雖少有折闕之艱貞而勿悔自可无咎又何憂恤之有哉誠守其孚不徒健志必行且于食有後福所以歆豔之者至矣

六四䷋翩翩不富以其鄰不戒以孚

六五䷋帝乙歸妹以祉响元吉

上六䷋城復于隍勿用响師自邑告命响貞吝

天氣下降地氣上升天地交而成泰此悔卦三爻在上

之陰也陰无久據陽位之理六四變震震爲飛鳥雖能
冲天終當下集故有翩翩之象坤爲富積而至四財貨
豐矣坤土在高而震動焉財散之象故曰不富五六與
四相隣四旣震動五六從焉故知富以其鄰陰復其所
去危即安故曰不戒以孚坤土也處上六孤高之地則
城也高危而變動失常故有城復于隍之象設險所以
禦侮今失其險動之不善者也故曰勿用坤爲衆爲師
乾爲君爲邑出師于外而猶內顧以稟命于邑失閭外
之寄是以貞吝唯六五動得乎中陰自上而下降有帝
乙歸妹之象貴而下賤祉莫盛焉是以元吉

䷀ 乾上坤下

否之匪人

朱元晦云之匪人三字衍

不利君子貞大往小來

天氣下降地氣上通萬物發生是以成泰今天氣不降地氣不升兩儀閉塞生意摧謝是以成否此賢哲隱遯群小進用之世故不利君子貞

初六䷋ 拔茅茹以其彙貞吉亨

六二䷋ 包承小人吉大人否亨

六三䷋ 包羞

方否閉之初臣子不能忘情于君父動以求進覲在上者之一悟也故亦有拔茅茹彙之象能貞而不變無不

吉亨之理矣。六二變坎。夫水違行。上下異德。否道成矣。坎爲矯輮。屈已從人之象。故曰包承。夫君子難進而易退者也。上旣剛傲。以拂諫。君子唯有奉身而去耳。若乃貪位慕祿。違時于進。此六三所以包羞。皆小人之吉也。豈君子所謂亨哉。

九四䷄有命无咎。疇離祉。

九五䷋休否。大人吉。其亡其亡。繫于苞桑。

上九䷋傾否。先否後喜。

上以剛愎違諫。故成否。今九四變巽。巽爲風。爲號令。悔過罪已之象。故曰有命无咎。夫能悔過。以下匡救之命。

其否濟矣。疇類有不蒙其福哉。九五乾剛變離。克已反
正。否極而圖泰者也。故其象爲休否。大人吉。言大德之
人厭亂思治。乃能克定禍亂。兢兢業業。如恐敗亡之將
及。故復繫之曰。其亡其亡。繫于苞桑。敬慎之至矣。坤爲
牛。外互坎爲徽纆。所以繫牛也。外離爲科上槁。知所繫
者。苞桑也。桑雖堅韌。足恃。苞桑則柔穉。無取戒之也。上
九處否之極。草木黃落。理勢危阨。故曰傾否。然而剝復
相代。榮瘁相乘。不有所傾。何以著其再新之化。今日否
傾。知明日之爲泰矣。故曰先否後喜。乾剛在上。木枝槁
也。動而爲旄。毀折之象。故知其傾。

易象二
三三乾上離下

同人于野亨利涉大川利君子貞

乾爲君尊而在上離爲明德之士卑而在野同德相求
成湯之于莘野武丁之于版築是其象也故曰同人于
野亨乾健于外離虛以載之故利涉大川同非其人必
致後患故利君子貞

初九三三同人于門无咎

六二三三同人于宗吝

九三三三伏戎于莽升其高陵三歲不興

上下一德故名同人六爻之動其德異矣初九同人于

門是家庭之內。父子有異德也。六二同人于宗。是族類之中。少長有異德也。乾在上爲君。有父道焉。有長道焉。離在下居卑。有子象焉。有少象焉。父子情親。雖暫異而終同。是以无咎。宗黨情踈。頗難合而。易離一或乖違。不無吝矣。九三之動在下者。終於垂戾。積猜構嫌。理至相害。非但吝而已矣。離爲甲兵。動而爲震。崔嵬之象。可以伏藏。故曰伏戎于莽。自二以上互體爲艮。高山之象。乾無失德。而處高陵。離情狡黠。畢露于下。雖欲害乾。終不獲逞。故曰升其高陵。三歲不興。

九四三三乘其墉弗克攻吉

九四內互變坎坎險在外城墻之象也。外卦變巽巽木臨城衝車雲梯象也。內有明德而乾動失其剛理屈勢餒故不克攻。

九五三三同人先號咷而後笑大師克相遇

外互爲兌兌爲口舌五動得中始雖異而終同故曰先號咷而後笑蓋在上之乾欲同于離未同則號咷以求之既同則笑悅而自喜矣此自顯賢求士言之也。理象至順即用大師者且當講解無事于戰故有大師克相遇之象蓋兩離相遇自同人而動又何戰乎。

上九三三同人于郊无悔

初近在內故于門上遠在外故于郊郊者兩國境界相接之處允爲口舌使臣聘問鄰國之象也交聘睦鄰在遠者無不同矣又何悔乎

離上乾下

大有元亨

大有云者所有之大也。離爲日。乾爲天。日升于天。萬物並觀。无一物不在照臨之下。是以元亨。

初九 无交

害匪咎艱則无咎

九二 大車以載有攸徃无咎

九三公用亨于天子小人弗克

五爲大有之主。此三爻在下。皆五之所有也。初爲士民去。五最遠。地勢懸絕。无由自達。雖害何咎。害者。隔礙不通之義也。動違其群。是以有害。能艱貞自居。勿事競躁。斯无咎矣。二爲卿大夫。勤與五應。剛中而能柔焉。林敏志遜足任。庶績故取。類於大車。以載處大有之世。非若而人能无債事乎。哉。三爲公侯。率其臣民。奉玉幣以述職。所謂天子當陽。諸侯北面者也。故有公用亨于天子之象。小人卑賤。筮而得此。何以克堪。勿用可也。

九四 匪其彭无咎

六五 厥孚交如

句 威如吉

上九三三自天祐之吉句无不利

處大有者貴乎敬天恤民而信所任四與初應而變大畜畜民之道緩力薄征爲急故曰匪其彭无咎彭者嚴鼓勸功之名雅謂馨鼓弗勝是也五當至尊之位任賢使能君臣相信乃足以治大有之業故曰厥孚交如業隆志廣易於驕盈故又戒以威如乃吉欲其畏天之威于時保之無有交而不孚者矣上九處五之上郊廟神祇之象主大有者下撫臣民上恭宗廟動无違失百神將以尔爲主矣天豈不以吉祥祐之者哉筮得此爻又何不利之有

三三坤上艮下

謙亨君子有終

艮山也尊而處下。坤土也卑而居上。艮唯能受乎坤。所以益高。故名其卦曰謙。凡人少有所得。鮮不自滿。無復進益。君子終身樂取于人。以爲善。是以有終。能謙故也。

初六三三謙謙君子用涉大川吉

上謙字讀作歉如大學自謙之謙訓不滿也


六二三三鳴謙貞吉

九三三三勞謙君子有終吉

艮山高矣。體本鎮靜。無事於動。今其動者。不自盈滿而求裨益故耳。初六變離。離爲大腹。土簣之象。處艮之下。


猶歎于早。簣土以求崇高。故曰歎謙。是君子自牧之道也。內互坎爲江河。離爲匏舟。故曰用涉大川吉。六二變巽。巽爲不果。內互得兌。兌爲口舌。爲高山者。獨力未能有成。故鳴嚙嚙。侶以助之。所鳴而正。占斯吉矣。九三變坤。坤爲土。而三爲山顛。不自滿假。雖功成而不伐。故曰勞謙。君子有終吉。斯盛德事也。唯君子爲能然。

六四




无不利撝謙

六五



不富以其鄰。利用侵伐。无不利。

上六



鳴謙。利用行師。征邑國。

艮高而尊。坤卑而賤。今艮處坤下。以貴下賤。大得民心。


得民心者其衆可用。故謙外三爻皆以用衆爲象。明謙以得衆之効也。艮爲手。坤爲衆。六四變震。震爲足。艮居內而指撝。坤衆聽命而趨走。故无不利。六五變坎。爲山者。於是乎成其九仞之功矣。土積則雲雨興焉。坎爲雲。雨勢必下降。故曰不富以其鄰。內互坎險。外互離虛。以險擊虛。故利侵伐。上六居謙之極。不宜變動。今變爲艮。而曰鳴謙。履危。思懼。鳴儔以求助也。外互震爲善鳴。故二與六皆有鳴謙之象。內安外危。故利行師。

震上坤下

豫利建侯行師

雷出地而爲豫雷者天地長子號令萬物者也雷出則萬物以生雷入則萬物以死今雷出地上萬物欣欣向榮故名曰豫四爲公侯一陽居之群陰恃以無恐故利建侯行師

初六  鳴豫凶

六二  介于石不終日貞吉

六三  盱豫悔遲句有悔

凡人莫不生於憂患死於安樂故豫內三爻皆以宴安致戒欲其豫爲防患以遠凶悔初六坤以安靜而變震動內互爲門外震爲櫺夜象也當夜而譁動于內非有

外患必有內訌。故曰鳴豫凶。六二變坎。坎爲隱伏于內。內互艮爲石。自坤文而來。知其爲璞玉也。良玉隱于石中。畔然有介明者。識而鑿之。舍石取玉。事理易彰。故曰介于石。不終日。君子知微知彰。其所以別是非。擇禍福者。亦猶是矣。決去取于俄頃。又何終日之有乎。豫之內互爲艮門也。六三今變爲艮重門也。震豫外鳴以備非常。艮又爲狗。內盱以防非類。故其象爲盱。豫夜中有警。亟宜內悔。其所不備。若遲疑怠緩。必有後悔之失矣。

九四

由豫大有得。勿疑朋盍簪。

九五

貞。疾恒不死。

上六三冥豫成有渝无咎

豫之內卦三爻夜中重門擊橈事也故動則有警此外
三爻則平旦豫樂事也九四變坤橈撤門啓在內者出
在外者入有求斯得有取斯應故曰由豫大有得豫性
多疑此非當防之時故示以勿疑內坤衆也外變坤亦
衆也同類相聚交易而退各得其所故曰朋盍簪六五
變兌于時日中門猶未啟知其人之疾矣兌爲醫巫方
自外來內卦安靜无變故知貞疾恒不死上六之動日
方向夕而遂閉門居內暗於備豫之理故曰冥豫處豫
之極是其過慎非有失也能渝變其成何咎之有哉

易象通卷之一終

周易象通卷之三

南州朱謀瑋鬱儀甫撰

䷲ 兌上震下

隨元亨利貞无咎

震爲長男兌爲少女古者男子三十而娶女子二十而嫁震下于兌男求女也震動于內兌以說應夫婦相從之象故命曰隨夫婦者人倫之始今男女相隨是以元亨苟合不以禮則瀆亂所由興矣故曰利貞无咎

初九䷋ 官有渝貞吉出門交有功

六二䷋ 係小子失丈夫

六三三三係丈夫失小子隨有求得利居貞

婚姻之道貴乎正始古有媒氏之官掌萬民之判凡男女自成名以上皆書年月中春令會男女初九之動曰官有渝戒私奔也求婚貴早則得其匹故曰出門交有功內卦震爲長男內互艮爲少男六二互體變離離爲筐筐筐筐納自少男故係小子六三約象變離筐筐納自長男故係丈夫內互艮變爲巽巽爲近利市三倍上逼于兌故曰隨有求得巽近非正故利居貞

九四三三隨有獲貞凶有孚在道以明何咎

九五三三孚于嘉吉

上六三三拘係之乃從維之王用亨于西山

女子生而願爲之有家然必六禮漸具乃可以行九四逼近于震動失之柔不復擇禮唯所獲者則隨而妻之故曰隨有獲野合非禮是以貞凶九五兌動得中男來女往嘉禮相接隨道成矣故曰孚于嘉吉上六居隨之終動失之剛有亡羊而加係維之象兌爲羊其性剛狠不隨人後必拘係而順驅之故曰乃從維之兌爲西爻內互爲山上六變乾則君國者望祀名山之象故又曰王用亨于西山

三三艮上巽下

蠱元亨利涉大川先甲三日後甲三日

巽爲木艮爲山木實成熟隕于山下理須潰壞潰壞已極還當甲坼而生終而復始生理暢遂故知元亨犯險獲濟故利涉川甲者十日之始蠱則已壞而更圖始者也故往有事皆利用甲或先或後不得違于甲之三日所以應其造始之義也內巽爲市三倍故言三日


初六䷋ 幹父之蠱有子考无咎厲終吉

九二䷉ 幹母之蠱不可貞

九三䷎ 幹父之蠱小有悔无大咎

果隕還生嗣續之象故六爻取類于父子以明之夫蠱

主于巽巽木在內則家事也或以柔變剛或以剛爲柔
因事制宜以矯其失是爲幹蠱初六當蠱之始事未大
壞易於拯救故有子能任厥考可无大過九二家道方
蠱大費括括當此之時行權反正未可牽於執一之禮
故曰不可貞初言父二言母者互文以備意也九三變
坎坎爲矯輮是幹蠱者矯枉過中於心不能无悔然以
剛之柔遜順不迫故无大咎

六四  裕父之蠱往見吝

六五  幹父之蠱用譽

父子一體緩急相濟苟有幹正于內不足彰露于外孝

子之道也。六四變離。坐視于外。世世自寬。不以幹蠱爲急。故曰裕父之蠱。動失其道。故曰往見吝。六五動得乎中。與二相應。非唯幹父之蠱。且復施美譽于其父。克蓋前愆多矣。故曰幹父之蠱。用譽。

上九䷋ 不事王侯高尚其事

蠱以有事爲志。故其動也汲汲。汲以幹正之。上九蠱壞已極。不可復救。故舍父子而以君臣之義斷焉。蓋父子天性也。雖知壞極。无有棄而不幹之理。在君與臣亦然。唯高尚之人。明哲保身。見亂斯去。事雖壞極。彼若不聞。故曰不事王侯。高尚其事。

坤上兌下

臨元亨利貞至于八月有凶

二陽自內而升萬物將泰陽日以長陰日以消故知元
亨陽少陰多易爲物所移奪是以利貞臨之爲義居上
臨下而其爻象則又自下侵上者也殷正建丑二陽之
月人君於是乎視朔而聽政萬方於是乎稟命而來王
古之臨兆民者若朽索之馭六馬如此其危也臨與遯
對遯遜而否至矣否於殷正則八月也故云至于八月
有凶聖人於未泰之時已憂其將否此安不忘危存不
忘亡之意戒慎之詞也

初九 咸臨貞吉

九二 咸臨吉无不利

六三 咸臨无攸利既憂之无咎

允澤在下庶民也。坤土在上官師也。澤無隄防則泛濫
爲害民無法制則驕僭爲非。故布令敷教欲其周徧詳
悉。初九九二皆以剛變柔所臨之民咸奉化率教无一
梗。吾今者故皆有咸臨之象。六三以柔變剛勢將逼上
履霜堅冰慎之在早故必苦加防範以折遏其邪心乃
獲无咎。若縱其所欲甘以悅之下將不可復制上將受
其陵偏亦何利之有哉。

六四䷋至臨无咎

六五䷋知臨大君之宜吉

上六䷋敦臨吉无咎

內三爻以所臨之民爲象。此三爻以所臨之位爲象。近於下官師稍卑者也。五位正中官師最尊者也。窮鄉僻邑必身親臨之民隱乃達。故六四爲至臨。夫能行職守勤勞勿怠又何咎乎。坤臣也。六五動而之剛。剛同。獻智足以有臨。故曰知臨。是大臣正位宣其政令。作君股肱耳目。非大君之所宜任乎。上六敦臨臨之終也。凡人莫不始勤終怠。是以全德其寡。今於其終而加意焉。

亦何咎之有哉。坤體本柔。今動則爲剛。足以有爲。故臨外三爻皆吉而无咎。

䷗ 巽上坤下

觀盥而不薦。有孚顒若。

巽爲木。坤爲地。植木於地。所以表觀。或議疆界。或揆日景。皆觀也。觀望之效。莫大於敬。敬之所感。莫若祭祀。觀卦四陰在下。於時則建酉之月也。古者始殺而嘗。將登黍稷。必薦祖先。示民追遠報本也。有牲曰祭。無牲曰薦。無牲似嫌於禮薄。然祭之道。貴誠不貴物。故觀感者。於盥不於薦。苟誠敬弗至。禮意衰薄。雖三牲五鼎在前。何

足觀乎。上巽爲風。風能動物。下坤爲衆。因風而感。故曰有孚顒若。聖人神道設教。其感人者深矣。

初六䷓童觀小人无咎君子吝

六二䷓闕觀利女貞

六三䷓觀我生進退

蒙然無識之謂童。微有所見之謂闕。初六地位卑下。去上最遠。雖隨衆仰觀。初無所得。故曰童觀。六二去上稍近。隔於艮之門闕。所見彷彿而未審。故曰闕觀。內坤變坎。坎爲盜。以闕內穿窬鑽穴之象。故利女貞。六三居坤衆之首。正與上接。所觀審矣。君之賢否。時之治亂。曉然

可知。治則進。亂則退。唯觀我生之時。何如耳。故曰觀我
生進退。

六四 ䷓ 觀國之光。利用賓于王。

巽變乾。乾爲君。以臨坤。坤爲臣。以奉乾。上下肅穆。濟濟
皇皇。威儀可觀。故曰觀國之光。君君臣臣。世方同治。故
利用賓于王。

九五 ䷓ 觀我生。君子无咎。

上九 ䷓ 觀其生。君子无咎。

五爲君位。一舉一措。民具爾瞻。凜乎其可畏也。君子處
之。僅可无咎。蓋九五動。失其剛。有剝落之象。故耳。上九

以巽變坎。坎爲矯輮。以加巽木而臨。制于五。是師保阿衡之任也。雖至尊者亦仰觀而受桀。不獨觀在下矣。五以位見觀此。以道見觀其生也。天下安危係焉。望高責重。能無懼乎。故唯君子居之。乃獲无咎。

䷥ 離上震下

噬嗑亨。利用獄。

噬者。齒決物也。嗑者。上下齒相合也。食之梗於口者。必決絕之。初上二爻。口象也。三陰爻者。齒象也。其中一陽。則所噬之物也。噬而決之。則食無所梗。故亨。國之梗。吾化者。亦宜噬而去之。故利用獄。

初九䷗ 履校滅趾无咎

六二䷋ 噬膚滅鼻无咎

六三䷔ 噬腊肉遇毒小吝无咎

九四䷔ 噬乾肺得金矢利艱貞吉

六五䷔ 噬乾肉得黃金貞厲无咎

上九䷔ 何校滅耳凶

噬嗑六爻皆以用獄爲象。初九上九之校用獄具也。二三四五之噬求獄情也。不有嚴刑則狡情莫得情有淺深求有難易。二三在下卑者之獄近于易決。噬膚噬腊喻其噬之柔而決之易也。四五在上八議之獄近于難。

決云噬乾肉。喻其噬之剛而決之難也。外互坎爲豕。膚者豕腹之腴也。腊者晞於陽而未乾之肉也。乾肺則脯脩之薄者。乾肉則脯脩之厚者。膚柔濡而易噬。腊則稍強矣。乾肺乾肉者。腊之日久。則又強矣。初言滅趾校在足也。繼言滅鼻校在手也。械手者。每食之時。手必擁其鼻。二不言校。省文也。內震爲足。內互艮爲手。初變在震。故知屨校滅趾。二變在艮。故知手校滅鼻。四五言金。金作贖刑也。禮刑不上大夫。有罪則罰金。使贖之。金矢者。銅鐵之金。可爲矢鏃者也。黃金則兼金矣。六五爵尊。故可致黃金。四則爵位稍卑。視力所可致者。罰之不必其

黃金也。上九獄成罪極情無所逃。是以何校滅耳。校至滅耳。械在首矣。能無凶乎。

䷢ 艮上離下

賁亨。小利有攸往。

小字誤當作不

艮爲山。爲石。離爲日。爲火。今日在山下。旣夕之象也。夕則幽暗。無覩。聖人鑄燧出火。以繼其光。文明著矣。故名曰賁。火之所濟者廣。故曰賁亨。火之利用在夜。夜不可以有事故。不利有攸往。

初九䷢ 賁其趾。舍車而徒。

六二䷢ 賁其須。

九三䷮賁如濡如永貞吉

離以文明潛處山下。君子脩德。龍弘之象。初九時未可出。故雖賁飾所履。寧安貧賤。舍車馬而徒行。六二以離變乾。文明而加剛健。才堪濟世。上之所須於我者。賁然飾矣。故曰賁其須。九三以離變震。賁其須者。益加飾矣。德業昭彰。濡然有光澤矣。君子於斯時也。持難進之心。守不悶之操。得時乃駕。毋汲汲以求售。故曰永貞吉。

六四䷮賁如皤如白馬翰如匪寇婚媾

六五䷮賁于丘園束帛戔戔吝終吉

上九䷮賁无咎

內三爻其處也。外三爻其出也。五則應聘而起。出當其時者也。四則動之易而先乎時上則動之難而後乎時。賁如皤如。急於待飾也。白馬翰如。急於治行也。不得其聘而汲汲以自求。安所得嘉偶乎。故又係之曰匪寇婚媾。六五以柔變剛。下與二應。巽以求離。故有束帛賁于丘園之象。君子以道自重。束帛爲輕。猶不卽起而吝以辭之。故曰束帛戔戔。吝夫能自重如此。豈不終吉者乎。上九變坤。坤爲吝。晉居者過吝其道。終於後時。坤又爲地。爲白。夫其受和白受采。苟脩其潔白之德。責將我求終不失其高也。又何咎乎。

䷁ 艮上坤下

剥不利有攸往

坤爲地艮爲山山附地上其宅安矣然山峭則亟崩今一陽而處至高爲五陰之所逼勢不獲安故名其象曰

剥陰主靜陽主動今陽窮於外理不可前故不利攸往

初六 ䷖ 剥牀以足蔑貞凶

六二 ䷖ 剥牀以辨蔑貞凶

六三 ䷖ 剥之无咎

六四 ䷖ 剥牀以膚

艮之託地類夫牀之安吾身也牀宜鎮靜不遷今坤體

變動於下牀覆而身隕矣蔑者材力弱小之名初六之
剥以牀足蔑弱而致變也六二當牀之第以牀幹蔑弱
而致變也故占詞皆曰貞凶六三處第之上則牀簣矣
撤易其簣以致其安非有隕越之患故曰剥之无咎六
四之動艮體自剥於牀而傷其膚非牀過矣故曰剥牀
以膚凶夫無故而剥牀苟非驚迫則篤疾矣安得不凶
六五䷖貫魚以宮人寵无不利

五爲君位六則后妃柔變而得剛是后妃與君相遇也
下四陰則衆妾也君御于牀后妃統其衆妾以次進御
無妬忌專寵之心故曰貫魚以宮人寵无不利貫魚之

云猶云魚貫而進也。外卦變巽巽爲魚。群陰次列于下。秩然有序。若漁者以楊柳貫魚首也。

上九  碩果不食。君子得輿。小人剥廬。

艮之上爻其位已危。今復變動。理必摧隕。艮爲果蓏。上則木末。去人最遠。故爲碩果。果之大者。其仁必成。過於成熟。則腐落。不可復食。果隕得土。還當發生。故有君子得輿之象。以其履危而獲安也。不仁之人。一犯險艱。身名俱敗。猶么果摧落。祇有腐朽而已。故曰小人剥廬。


 坤上震下


復亨。出入无疾。朋來无咎。反復其道。七日來復。利有攸往。


復者萬物發生還復其舊也。坤爲土震爲專爲反生震動於內觸土而出莫之或遏故曰復亨。勾萌旣奮託根於土一出入自然順理故曰出入无疾一陽疑於稱弱不克前進然五陰漸消一陽漸長朋類方來我助故勉之曰朋來无咎。貴陽賤陰好生惡殺天之道也。氣機默運循環无端尋復其初故曰反復其道歷法暮三百六旬有六日而氣朔一周至第七日歲氣更始故曰七日來復陽剛始事勇於前進可以有爲故利有攸往。

初九  不遠復无祗悔元吉

六二  休復吉

六三  頻復 句 厲无咎

六四  中行獨復

六五  敦復无悔

失其所安者。乃後志於求復。初爻一陽。卦之主也。自五以下。皆求復者也。初九未出戶庭。所失不遠。易於追悔。是以元吉。六二則行者稍遠。足勞而求息矣。於是而悔心生焉。則其復也。不差易爲力乎。故曰休復吉。六三去初則彌遠矣。其求復也不免困苦而頻感矣。苟知當悔。勉力以濟其志。又何咎乎。六四旅于四陰之中。獨能變而爲陽。故曰中行獨復。此得失兩途之際也。往則失還

則得唯人所行故不著吉凶之占六五去初則最遠矣
去上則最近矣悔悟之士於此加意策勵勿憚其遠而
求復焉庶幾無後日之悔也故曰敦復无咎二變爲澤
行者渴而求飲故有休復之象三變爲離外互爲坎離
爲覲舟以涉坎水不無顛蹙故有頻復之象

上六䷋迷復凶有災眚用行師終有大敗以其國君凶
至于十年不克征

上六迷途在外顛冥妄行不求復者也由其不辨是非
不知禍福中心无悔是以終迷迷惑之人所行乖戾上
致天災下構人禍以故行師則必敗而辱國且有喪亡

之凶雖蓄積兵力至于十年猶不克報極言不改過者
患至此其深也大居五上師保之位故曰以其國君凶
以者逮及之義五柔六剛君反見制於臣晉之桓溫拜
表輒行卒致枋頭敗衄正此謂矣復卦本以震木入土
蠱而復生爲象種木者常求用于十年之外此爻在上
則碩果也迷而不復生理未涯故云十年不克征以木
之才用而占之

易象通卷之三終

周易象通卷之四

南州朱謀瑋鬱儀甫撰

三三乾上震下

无妄元亨利貞其匪正有眚不利有攸往

无妄者。內自誠實。无所虧歟之名也。震爲雷。乾爲天。雷以二月出。八月入。出則萬物並作。入則萬寶告成。今天高氣清。雷伏於地。物皆受其正命。以成性。是以元亨。藏器待時。毋爲物誘。是以利貞。夫能各正性命。以嗣續其生生之理者。內自誠也。苟或不誠。則匪天命之正。雖僞以欺人。終獲眚矣。如是則憂患不暇。又安可以行乎。

初九䷋无妄往吉

六二䷋不耕穫不菑畲則利有攸往

六三䷋无妄之災或繫之牛行人之得邑人之災

物之无妄莫如草木草木之貴莫如黍稷故春稼于田
秋穡於廩百穀各以其類而成實焉由无妄也初九震
爲反生變而得坤始稼之象是以往吉必无妄而後吉
者穀未成仁雖種亦不生也六二變兌兌爲剛鹵不宜
黍稷故有不耕穫不菑畲之象動而剛中利有攸往唯
稼穡之事則否耳六三變離離爲日爲火又爲乾槁稼
而遭旱之象也故曰无妄之災非黍稷之妄乃不幸遘

禍耳或繫之牛无所用其力也行人之得商旅轉糴而獲利也邑人之災居者苦鄰之閉糴也二爲田疇牛所有事今在於三牛用廢矣故有繫牛之象外乾剛實行人也內離空虚邑人饑乏之象也

九四䷵可貞无咎

九五䷤无妄之疾勿藥有喜

上九䷋无妄行有眚无攸利

內卦言稼外卦言穡九四變巽穡始成也九五變離穡始登也上九變兌穡始藏也巽爲命令黍稷方受西成之氣以正性命故曰可貞離爲戈兵則刈穡之具也刈

若疾苦乃實所以成稼非穢病也故曰勿藥有喜兌爲
毀折爲口舌穢於是乎窮矣春榆蒸薦及之矣故行則
有青而无攸利

艮上乾下

大畜利貞不家食吉利涉大川

大畜云者所畜之大也山蘊陽氣而爲雲雨石蘊金玉
而爲寶藏皂廐畜牛馬而引重致遠皆大畜也畜非所
用雖大無益是以利貞畜之貴者莫尚養賢故曰不家
食吉乾健於內以乘兌澤外艮爲岸望而可即故利涉
大川

初九 ䷆ 有厲利已

九二 ䷆ 輿說輶

九三 ䷆ 良馬逐利艱貞日閑輿衛利有攸往

畜之致用於下莫如輿馬乾健而善行則馬象也乾爲天其體圓而善運車輪之象也外互震爲大塗輿馬之所趨也乾體變動則輪輶毀敗之象也初言有厲而不言說輶二言說輶而不言有厲互文以見意耳云利已者止其動也九三車輶无損而良馬不受羈勒馳逐競前所謂銜縶之變是也馬旣良矣車旣堅矣所以逐者輿衛駕馭之未閑耳苟日閑輿衛豈有不利攸往者乎

六四䷗童牛之牯元吉

六五䷗豮豕之牙吉

牙齧康成作互謂豕張口而鳴

上九䷖何天之衢亨

畜之致用於上者莫如牲牢四五皆有離象離爲大腹則牛豕也四曰童牛之牯郊祀之牛也五曰豮豕之牙廟祀之豕也四之離在上故知郊牛五之離近下故知廟豕牯者楅衡之名所以畜牛也互者豕將就執張曰長鳴也此皆備牲於未用之時上九則用牲而郊祀之矣郊則天神格廟則人鬼享其精誠所感若有衢路可荷而上致者故曰何天之衢亨

䷚ 艮上震下

頤貞吉、觀頤、自求口實。古文頤字作臣

頤者、養也。上非祿食、不足以養下。下非飲食、不足以自養。此卦外實內虛、艮止于上、震動于下、咀吮之象。故名曰頤。飲食貴有節制、過則傷生。是以貞吉。艮在上位、節制祿食、以示下。故曰觀頤。震動于下、日用飲食而已。故曰自求口實。

初九 ䷚ 舍爾靈龜、觀我朵頤、凶。

六二 ䷚ 顛頤、拂經于丘頤。此頤字疑當作臣古阜字征凶。

六三 ䷚ 拂頤、貞凶。十年勿用、无攸利。

六四无咎上九爲口飲食所由以順於我者也有節則爲我禍无節則爲我患故曰由順厲吉


䷛ 兌上巽下


大過棟撓利有攸往亨


陰陽相濟乃爲得中此卦四陽居內以操權二陰在外而无位德過乎剛故名大過巽木也兌剛鹵之土也周禮地官所謂騂剛是也剛土而居木上知其爲麓瓦矣上重下弱棟不勝其瓦理必撓屈故曰棟撓知其過重則當往撤以安之故利有攸往明有過之當改也

初六䷛ 藉用白茅无咎

大過在初奉口腹者之過美也。允爲羊物性過剛者也。巽爲草木又爲白。是自茅也。巽變乾金而乘兌羊。羊以肥美而見卦也。牲味之美莫過於羊。已卦則惡置諸地。故藉用白茅。詩所謂野有死麕。白茅包之。是其類矣。承頤卦之後。故有此象。

九二  枯楊生稊。老夫得其女妻。无不利。

九三  棟撓凶。

九四  棟隆吉。有它吝。

九五  枯楊生華。老婦得其士夫。无咎无譽。

此四爻者。皆陽過於剛。動而得陰以濟之。九二在內。未

嫁之陰故知老夫得其女妻九五在外已嫁之陰故知
老婦得其士夫稊者楊柳之孚也巽爲木兌爲毀折以
兌加巽折楊之象也楊未孚而折之生意在內則可植
女妻宜男之象也已華而折之則生意洩盡而難植老
婦不產之象也四損于上則上輕而棟力故知棟隆吉
三損于下則上重而下弱故知棟撓凶

上六  過涉滅頂 凶无咎

大過本有澤水滅木之象謂舟重而沈沒于水也夫渡
水者深則舟航淺則徒涉此處上爻川澤亦旣盈矣而
猶徒步以涉能无滅其頂乎苟能以爲凶而寢其所爲

庶乎其无咎矣

䷜ 坎上坎下

習坎有孚維心亨行有尚

坎者阨窮之名坎非爲水也坎以空虛受物爲水之所歸也水源本發於山遇坎即趨盈科而進故曰習坎有孚无自滿之意有求益之情積谿谷而爲川澤積川澤而爲江河所就日廣志於德者取法焉故曰維心亨行有尚仲尼時習曾子傳習殆有見於此乎

初六䷜ 習坎入于坎窞凶

九二䷜ 坎有險求小得

六三

來之坎坎險且枕入于坎窞勿用

枕古文作沈

外坎水也內坎谿壑也初則谿壑之所注也水泉奔壑實犯危險故知其凶二則谿壑半盈水泉流散者今得歸宿可无蕩失故曰坎有險聚而未盈故曰求小得三則內坎已盈而外坎之來未已勢將溢而復趨故曰來之坎坎險且沈言方去險獲安將復行而犯險也

六四

樽酒簋二

樽酒簋二用缶納約自牖終无咎

九五

不盈祗既平无咎

坎不盈祗既平无咎

上六

繫用徽纆寘于叢棘三歲不得凶

繫用徽纆寘于叢棘三歲不得凶

內坎者險之所在此則犯險者也險者患難之地四始

犯患幽在囹圄之象其犯淺其憂微故酒食納約自牖
以慰問之上六犯患深矣其憂大矣故拘以徽纆坐於
叢棘三歲之久莫能解焉唯九五之動坎變爲坤去險
得夷於水則不盈以取愆於人則不倖以取禍故得无
咎樽酒簋二飲食之薄者也牖者獄中通食飲之處約
者繫束樽簋以便出入也叢棘謂獄垣也


離上離下


離利貞亨畜牝牛吉

離者麗也物相附麗而後成其用也在天爲日在地爲
火火生木石之中必得薪草附著其功乃行凡物相附

貴得其正乃無後艱故曰離利貞亨離卦一陰居於二陽之中以柔附剛者也陰牝類也離爲大腹則又牛之類也物附人而馴擾以致用者莫如牛故又係其象曰畜牝牛吉

初九  履錯然敬之无咎

六二  黃離元吉

九三  日昃之離不鼓缶而歌則大耋之嗟凶

兩離以文明相見賓主象也初爲始且賓至之時也戶屢交錯賓非一人故曰履錯然賓衆則禮儀懼有所不至故曰敬之无咎二爲日中光輝盛滿物被其榮无所

偏覆故曰黃離詩所謂我有嘉賓中心好之是其象也
三爲日夕情闌樂闋驪駒就駕之時也故曰日昃之離
夫酒以成禮不繼以淫日昃而猶羣聚則禮敬廢而荒
淫所由作矣否則必有死喪哭泣之事相聚于此矣故
曰不鼓缶而歌則大耋之嗟皆凶道也

九四

突如其來如

此如字衍

焚如死如棄如

六五

出涕沱若戚嗟若吉

上九

王用出征有嘉折首獲匪其醜无咎

離火也戢而在下則吉動而炎上則凶九四變艮艮爲
門闕於是有變突決棟焚之象故曰突如其來焚如也

火焚及門禍无所逃故曰死如棄如五爲王公離變乾
乾爲君爲父又爲寒氷火而寒氷知其死矣是王公大
喪之象故曰出涕沱若戚嗟若夫明德相繼國有嗣君
喪盡其哀示民以孝吉之道也上交爲首而離又爲甲
兵兩離相當征伐之象上九窮蹙而變震動首動理必
折矣故曰王用出征有嘉折首喜其克敵人也克敵而
得渠魁大衆舉矣豈唯醜類之獲而已哉

三三兌上艮下

咸亨利貞取女吉

艮爲少男兌爲少女兩相悅慕有人道之感故命曰咸

亨男女配合以正故利貞長下於兌男求乎女也故取
姤

初六  咸其拇

六二  咸其腓凶居吉

九三  咸其股執其隨往吝

咸而在下情欲之感也以人道近牝故取物類以爲象
初六卑微禽蟲雌雄之感也九三壯盛畜獸牝牡之感
也禽蟲感以其足故曰咸其拇畜獸感以其陰故曰咸
其股執其隨者欲盛情侈不能自制志在於必合也此
鳥獸之行可耳占者得是能无吝乎初爻變離勢必附

麗三爻變坤理必順從唯二變得巽巽爲進退不果故有咸腓之凶腓者股之垂肉近膝處也牡乘其牝牝怒以拒之故蹄其腓由二五皆剛不應故也

九四䷧貞吉悔亡憧憧往來朋從爾思

九五䷫咸其脢无悔

諺文云脢背肉也

上六䷞咸其輔頰舌

咸而在上義理之感也四爻近下埋欲之念未決以故憧憧往來子夏所謂二者交戰于胷中是矣夫邪正禍福各以類應唯吾心所召耳故曰朋從爾思聖人誨人之詞也九五變震動得其中含情欲而從義理是以无

悔云咸其脢脢者背也。憧憧之思已決背下而從上也。上六爻位爲口陳說義理感悟愚闇也。艮本欲以私情于兌今兌變乾柔化爲剛執禮守正以開諭之故曰咸其輔頰吉。舊文以吉爲舌傳寫誤爾。

三三震上巽下

恒亨无咎利貞利有攸往

震爲長男尊而在上巽爲長女卑而處下女治乎內男治乎外夫妻常久之道故曰恒亨无咎利貞以言內外各有其職勿相侵也。巽又爲木震足在上而履之是爲橋梁之象古者造舟爲梁以利涉者故曰利有攸往。

初六 ䷟ 浚恒貞凶无攸利

九二 ䷟ 悔亡

九三 ䷟ 不恒其德或承之羞貞吝

九四 ䷟ 田无禽

六五 ䷟ 恒其德貞婦人吉夫子凶

上六 ䷟ 振恒凶

說文振字作稽支也

妻以柔順爲道九二變柔又爲門闕爲手婦在中饋之

象故曰悔亡夫以弋獵爲事外震爲竹弓矢象也九四

剛變爲柔動失所也弓矢既廢往無所得故知无禽三

變爲坎坎爲中男爲盜爲通帷薄不脩婦德不謹之象

故曰或承之羞六五變允允爲毀折爲哭泣夫子死亡之象曰恒其德欲其從一而終勿改節而它適也巽女居內无他故曰婦人吉初上兩爻則以橋梁爲象曰浚恒者橋梁始成而更治之使通舟也曰楫恒者橋梁已敝而楫柱之使苟完也江河宜於舟楫谿澗利於橋梁今浚谿澗而廢橋梁違理費功何利之有哉上九恒道已窮更當圖治楫柱振救皆无益矣